

**Te Kura Kaupapa
Māori o Ngā
Mokopuna**

3.5 Me whai haere ano
hoki nga tamariki i nga
ahuatanga whanui e pa
ana ki o ratou iwi tae
noa ki enei ra.

He Puna Kōrero

Wāhanga 2 - Wiki 5

Pānui - Rāapa 1o Pipiri 2022

“Ko te Aho Matua te tāhuhu o tōku whare. Ko te reo, me ōna tikanga, ngā heke, whakamau. Ko te whānau, te whanaungatanga ngā pou.”

Kōpuapua Teina



Nau mai ki Kōpuapua Teina e
Makoha Ferris.



He Karakia Whakarau

Hōhiri ki te puna waiora.

A Tāne-toko-rangi. Toi tū, Toi ora.

Whakaoti nuku, whakaoti rangi.

Whakaora kia mau, (ka mau)

Whano whano, tū mai te ora

Haumi e. Hui e. Tāiki e!

Tākiri ake te awatea. Kōrihi ake ngā manu o Te Wao nui a Tāne.

Ka huri te aro ki te tai timu e papaki mai ana e. Kua ngū te iere o ngā reo o ngā Mātangireia kai te mata o te pō. Ka mate atu he tētēkura. Ka ara mai anō he tētēkura. Rātau ki a rātau. Tātau ki a tātau. Tīhei Mauri Ora!

I te tuatahi me mihi ka tika ki ta mātau ākongā hou a Makoha Ferris. He tama hūmārie, he noho whakaiti. He ngākau māhaki. Nau mai e tama ki Kōpuapua Teina.

I ngā wiki kua pahure he maha ngā hononga ā akomanga, ngā akoranga Tuakana/Teina. I mahi ngātahi ngā akomanga Kōpuapua me ngā Kōhungahunga ki te tito kanikani mō te rā hāte māwhero. He kaupapa e whakatairanga, e whakanui ana i te whakamutu i te whakaweti. He tino pārekareka, he ātaahua ngā mahi i tutukihia.

Kōpuapua Teina

Te Ira Tangata

(1.7) He tapu te tinana o te tangata. Nō reira he mahi nui tērā, ko te whakaako i te tamaiti ki ngā āhuatanga whakapakari i tōna tinana, kia tupu ai tōna hauora. Kia mōhio te hunga tamariki ki ngā kai pai, ki ngā kai kino. Kia mōhio hoki ki te painga o te korikori tinana, o te mirimiri tinana, o ngā rongoā a Tāne Whakapiripiri. Kia kua ia e tūkinu i tōna tinana i te tinana hoki o tētahi atu.

Ko tētahi atu kaupapa whakahirahira ko te oranga ā-tinana, ā-whatumanawa o te tamaiti. Kai te kaha tonu ngā Kōpuapua Teina me ngā Taiohi Tau 6 ki te mahi ngātahi i ngā momo whakapakari tinana ia Mane, Wenerei me te Paraire. Hai ētahi wā ka panoni ngā korikori ki ngā mahi Pūaio me ngā momo kanikani rerekē hai whakaihiihi, hai whakapārekareka i ngā tamariki. Ka mutu, hai ngā Tāite ka haere te kura katoa ki te whare hākinakina ki te ako me te mahi i ētahi atu hākinakina mīharo. He oranga ngākau, he pikinga waiora.



Hākinakina o te wiki

Whakataetae Oma Roa mō ngā kura tuatahi o te rāwhiti - 1/06/22



Oma roa whakataetae o te rāwhiti

Inanahi, ahakoa te uaua tātā i taua rā i tū tonu te whakataetae ki te Kareti o Kotirani. I whakapau kaha ngā tama katoa, ā, kua eke a Owaka rāua ko Luchian ki te whakataetae tuarua (interzones) Rātū 14 o Pipiri ki Mcallister Park.

Arohanui ki a Amokura kahore ia i oma nā te āwha nunui i ōna wā. Ngā mihi ki a matua Byron i kawē atu ngā kaioma tau 5/6 ki te whakataetae.

Te Rā Kaumātua - He Wānanga Te Aho Matua

Te Hararei o Matariki - 24 o Pipiri

He karanga tēnei ki ngā kaumātua o Ngā Mokopuna! Nau mai haere mai nanny mā, koro mā, matua mā, whaea mā, a wai ake rānei. He rangi ki te whakanui i ngā kaumātua me a rātou mokopuna i te kura nei.

Hei te 24 o Pipiri tū ai *'Te Rā o Matariki'* ki te kura ki te whakanui i ngā kaumātua me ō rātou mokopuna ki te kura ki raro i ngā mātāpono o Te Aho Matua. Kei raro nei ngā māhukihuki mō taua rā. He wānanga tēnei ki te whai i ngā mātauranga a kui mā, a koro mā. Mā ngā whānau o Ngā Mokopuna tēnei kaupapa e hāpai, kaua ko ngā kaimahi noa iho ngā mahi e whai.

Tuku īmera atu ki te tari mehemea kei te haere mai ngā kaumātua o tō tamaiti ki te kaupapa nei: tari@tkkmmokopuna.school.nz He wānanga Te Aho Matua tēnei, nau mai haere mai e ngā whānau ki te tautoko i a mātou, ki te tunu kai, ki te whakarite hangī, hei whakapai, hei ringa raupā, kia tutuki pai ai te rangi nei.

TKKM o Ngā Mokopuna would like to celebrate our kaumātua at our kura during the Matariki holiday. Please set aside Friday 24 June to welcome your kaumātua to our kura to participate in Matariki activities for the day. Please email the office with the numbers of kaumātua, coming for the day (very important). If your kaumātua cannot make this day, still come along with your tamaiti/tamariki to celebrate Matariki with our kura whānau. This day will only be successful with the hands on support of whānau to help prep kai, hangī, set up and clean up please as we also have a fundraising hangī and kapahaka performance at Miramar following the celebrations. Below is the programme for the day, if you have any queries please contact your child's kaiako or the tari.

*tari@tkkmmokopuna.school.nz
Numbers are limited to immediate whānau please as due to health and safety.*

Hōtaka mo te rā kaumātua:

Rāpare 23/6 -	Hei te ahiahi ka whakarite te hangī mo te kōhi mohi me te hakari	Thursday 23/6	Afternoon: Hangi prep for the fundraiser and hakari for rā kaumātua
Rāmere 24/6 0800	(Whakarite te kai paramanawa)	Friday 24/6 0800	Prep for morning tea/hall set up
09:30am-10:30am	Powhiri/mihi	09:30am-10:30am	Powhiri/meet and greet
10:30-11am	kai paramanawa	10:30-11am	Morning tea
11am - 12pm -	kōrero/kaumatua (RW)	11am - 12pm -	Hui Kaumātua and matua Rawiri
11am - 12pm	kapahaka/ hākinakina Māori ki ngā tamariki me ngā mātua	11am - 12pm	Kapahaka or ki-o-rahi for parents and tamariki waiting for kaumātua
12pm-2pm	Huringa a-hapū a ngā mokopuna/tamariki me ngā kaumātua	12pm-2pm	Matariki activity rotations with kaimahi for ALL tamariki and kaumātua (parents to help set up for hakari)
2pm	Kai	2pm	hākari
2:45	karakia	2:45	Karakia
3pm	ka mutu te kaupapa nei	3pm	Ka mutu

3pm - Ka tīmata ngā whakaritenga mō te whakangahau kapahaka ki te whakataetae hahau pōro Māori - he tono tēnei ki ngā tau 5-8 ki te tū ki te atamira.

Prep starts for tamariki available for the performance fundraiser at the Māori golf tournament in Miramar, details will be sent to parents of year 5-8 students from matua Te Hauora. Performance is approx 4pm.

	Hōtaka Wahanga 2 - 2022 Āta pānui tēnei hōtaka ia wiki mehemea kua panoni ētahi o ngā whakaritenga!				
	<i>Rāhina</i>	<i>Rātū</i>	<i>Rāapa</i>	<i>Rāpare</i>	<i>Rāmere</i>
WIKI 1 2/5-5/5	Pure 6am Pōhiri - 9:30am			ASB - Hākinakina (katoa)	
WIKI 2 9/5-13/5				ASB - Hākinakina (katoa)	
WIKI 3 16/5-20/5	<i>Tangihanga ki Rotorua, ka haere ētahi o ngā whānau. Kei te tūwhera tonu te kura!!</i>		<i>EZ poitarawhiti (tau 5-8) ki ASB (rā katoa)</i>	<i>(Hui-kaihautū - 6pm)</i>	<i>Tihate Māwhero (Whakakore te whakaweti) Kapa koura - \$1/\$2</i>
WIKI 4 23/05-27/5			<i>(Hui-ā-whānau - 6pm)(kua hīkina)</i>	ASB - Hākinakina (katoa)	<i>Whakahōnore (TR)</i>
WIKI 5 30/5-3/6	Pōhiri ki ngā tamariki me te kaiako hou 9.30am		<i>Hākinakina - EZ Oma roa - (tau 4-8) ki Scots (Hui-ā-whānau - 6pm)</i>	ASB - Hākinakina (katoa)	
WIKI 6 6/6-10/6	<i>Hararei - Kuini</i>	<i>Rā Kaiako anake</i>	Manu Kōrero Wharekura Reo Pākehā	ASB - Hākinakina (katoa)	Manu Kōrero Wharekura Reo Māori
WIKI 7 13/6-17/6		<i>Hākinakina - PSW Oma roa</i>		ASB - Hākinakina (katoa)	
WIKI 8 20/6-24/6		<i>Whakangahau ki Te Manatū Whakahiato Ora - Tau 5-8 (8:30am -12) (kohi moni)</i>		ASB - Hākinakina (katoa) Noho marae (taiohi-tuākana) <i>(Hui-kaihautū - 6pm)</i>	<i>Hararei - Matariki</i> Te Rā Kaumātua 9:30-3pm <i>Whakangahau ki Te Hahau pōro Māori - tau 5-8 3-5pm (kohi moni)</i>
WIKI 9 27/6-1/7	Manu Kōrero a Rohe - Ōtaki		<i>(Hui-ā-whānau - 6pm)</i>	ASB - Hākinakina (katoa)	<i>Whakahōnore (MM)</i>
WIKI 10 4/7-8/7		<i>Hākinakina - Rohe Oma roa</i>		<i>Rā Hapū (RM)</i>	Rangi whakamutunga
	Ka noho te waka tāpuhi niho ki te kura mo te wiki nei				

MANU KŌRERO 2022 - E te whānau, due to tangihanga leave, blended classes over a number of weeks, covid absences and other illnesses of both students and staff we would like to apologize for any inconvenience but manu kōrero has been moved to the middle of term 3. Dates will be confirmed once term 3 planning has been completed. Please continue to support your child in researching or learning their manu kōrero this term to ease their workload into the new term.

1.2 Tino motuhake enei ahuatanga katoa. Ko tenei hoki te kakano i ruia mai i Rangiatea. E kore ia e ngaro. Engari, ko ta nga matua, ko ta te whānau, ko ta te kura hoki, he mea awhi, he mea whangai, he mea whakaako i te tamaiti kia tupu ora ai tona katoa i roto, i te tika me te maungarongo.

Kia manawanui mai. nā ngā kaimahi o te kura.